

Yungzsuij: Duk Haeuxfaengx Coux Ngux Nyied Ngux

Ngux nyied co'ngux yaek daengz lo. Yungzsuij Myauzcuz Swciyen Yungzsuij Cin Suijdungh Cunh caez duk aen haeuxfaengx hung 588 gaen ndeu, aeu fwnz cawj 24 diemj cung cij cug, faen hawj beksingq, hekyouz gwn, caez geiqniemh Gih Yenz. Aen faengx hungloet neix, gij liuh ndawde cienzbouh daj ndaw lueg Yungzsuij genj okdaej, yungh mbawfaengx 50 gaen, haeuxcid 60 gaen, maklaeq 50 gaen, duhheu 28 gaen, lij yungh gaeqdoj, bitdoj, gyaauj vaiz, nohmou, gyaeqhenj hamz daengj, duk aen faengx neix yungh bae 2 diem lai cung. Saefouh naeuz, aen faengx neix seizneix dwg Gvangjsih aen faengx ceiq hung haenx.

(Liu Swjyenh/廖子渊)

► Gyoengq hekyouz caez gwn aen haeuxfaengx hungloet ndeu.



▲ Sam aen ruzlungz youq gwnz dah doxdax.

Cenzcough:

Vad Ruzlungz Coux Ngux Nyied Ngux

Ndwen 6 ngoenz 16, Cenzcough Yen Cenzcough Cin Dwnggyahbu Cunh 7 aen ruzlungz youq Dahgvangyangh henz mbanj doxdax vad ruzlungz, sing gyong, sing bauq yiengj doh daengx mbanj, ciuinx gyoengqvunz caeuq hekyouz daeuj ngonzyawj doxdax. Dwnggyahbu Cunh dwg aen mbanj conzdungj ruzlungz, moix bi liggaueq 4 nyied 20 hauh ruzlungz daengx mbanj lienzdaemh roengz raemx doxdax, gyoengqvunz daengx mbanj cungj bae yawj nauhyied. Aen mbanj neix gungh miz 10 lai aen ruzlungz, ruzlungz roengz raemx itcig vad daengx ngux nyied co'ngux.

(Dangz Gvangjdungh/唐广东)

Sanhgyangh: Fwen Loeggyap Ciengq Duetgungz

Ndwen 6 ngoenz 16, Sanhgyangh Dungcuz Swciyen Gujyiz Cin Couhbwz Cunh banh aen hoih youxfwen bi 2020 fwen Loeggyap, 100 lai boux canghfwen Loeggyap comz youq giz ndeu, yungh hingz sik lumjbaenz sai mbwk gek dah doiq ciengq, sai mbwk siujcuj ciengq, daih habciengq daengj, ciengq haenh gij cwngcwz duetgungz ndei, yungh vwnzva coicaenh beksingq duetgungz, ok rengzmaenh hawj Mbanjdung duetgungz, saedyienh lajmbanj cienzmienh saenq-hwng.

(Gungh Bujgangh/龚普康 Yangz Siuh/杨肖)



▲ Gyoengq canghfwen youq gwnz hoih eu fwen.

Gunghcwngz:

Haeuxfaengx Rangfwdfwd Dangj Minz Cingz Naekna



▲ Dangjiyenz ganbu caeuq beksingq ndaw mbanj duk haeuxfaengx.

Ndwen 6 ngoenz 19, gyoengqvunz youq gwnz giuzcangz Gunghcwngz Yauzcuz Swciyen Lenzvah Cin Dunghcai Cunh Mbanj Bwzmaj angqriu guhcaemz. Yienh Suijligiz caeuq lienzhaeh cunh dangjiyenz ganbu beksingq angqyangz comz youq giz ndeu, caez coux ngux nyied ngux. Daihgya itheij duk haeuxfaengx, gangjgoj guhcaemz, angq raixcaix.

(Vangz Yaujginh/黄晓君 Fung Vwnzcingh/俸文青)